

**VEERTIENDE SONDAG IN KONINKRYKSTYD**

**LEESROOSTERTEKSE VIR DIE WEEK:**

**MATTEUS 18:21-35**

**EKSODUS 14:19-31**

**EKSODUS 15:1b-11,20-21**

**ROMEINE 14:1-12**

**GEBEDSONDERWERP VIR DIE WEEK**

**Dankbaarheid vir die reën**

**Ons doen ook voorbidding vir lidmate wat as gevolg van  
COVID-19 finansiële en emosioneel baie swaar kry.**

**VAN ALLES EN NOG WAT**

1. In lyn met die regering se besluit is alle eredienste en byeenkomste opgeskort tot verdere kennisgewing.
2. Video's van al die preke sedert inperking, is op die webwerf [www.ngkeike.co.za](http://www.ngkeike.co.za) beskikbaar. Gaan lees dit gerus of kyk daarna.
3. Ons benodig enige grootte glasflessie of potjie om produkte in te lê. Dit kan Dinsdae oggende by die Drop & Go of by die kerkkantoor gedurende die week afgegee word.
4. Indien jy enige wol het wat jy kan skenk vir die brei van mussies, truitjies, serpies, ens, kan jy dit op Dinsdae oggende by die Drop & Go of by die kerkkantoor gedurende die week afgee.
5. Die Vrouebybelstudie van ds Chris Barnardo kom Woensdag 9 September 2020 om 9:30 bymekaar in die konsistorie.
6. Tydens die kerkraadsvergadering van 26 Augustus 2020 is die volgende lidmate tot die kerkraad verkies:
  - Tertia de Wet as blokleier - WSG 5
  - Clayton van Zyl as blokleier - P blok

**UIT DIE BEEK**

Ons het die Uit Die Beek vir 2021 ontvang. Die persone wat bestel het kan dit by die kantoor afhaal en die koste is R180.

## BYBELS

Tydens Pinkster is die bedrag van R15 545 ontvang. Ons sê weereens baie dankie aan almal wat bygedra het. Soos in die verlede is donasies gemaak aan Die Bybelgenootskap van Suid Afrika en die Gideons. Ons het ook weer Afrikaans, Engels en Xhosa Bybels aangekoop om in die gemeenskap te verspei. As jy weet van 'n huishulp, tuinier, karwag, petroljoggie, ens wat graag 'n Bybels sal wil ontvang, kom haal gerus een by die kerkkantoor. Maksimum 2 Bybels per lidmaat.

## LERAARS – PASTORALE BESOEKE

Beskikbaarheid van die dominees: ons leraars was die hele Grendeltyd telefonies beskikbaar, maar gaan nou ook op afspraak (weereens met al die nodige protokol in plek) beskikbaar wees by 'n gesteriliseerde vertrek in die kerkkompleks. Skakel maar jou dominee as jy hom wil sien, hy sal met die kantoor 'n tyd reël en dan kan julle mekaar daar ontmoet. Ja, ons weet dis effe onpersoonlik, maar dis die beste wat ons nou kan doen!

Kontak die leraars by die volgende nommers:

- Ds Hannes Burger – 021 903 1798
- Ds Chris Barnardo – 021 982 7076
- Ds Johan Morkel – 083 398 8345

## KERKKANTOOR

Die kerkkantoor is oop vir lidmate om te besoek. Die kantoorure is Maandag tot Vrydag 8:00 tot 12:00. Die nodige protokolle sal gevolg word (maskers, handreiniging, ens.) en slegs 2 besoekers sal per geleentheid in die kantoor toegelaat word.

## GEMEENTENUUS

1. Ben Geldenhuys (Othello) is oorlede. Die roudiens was die afgelope week by Othello.
2. André Botes (Labiance) is die afgelope week oorlede.
3. Anneen Serfontein (Zevenwacht Village) het 'n operasie ondergaan en sterk tans by haar dogter is Stilbaai aan.
4. Nola Rossouw (Huis De Kuilen) is Vrydag 28 Augustus oorlede.
5. Jannie Visser (Klaradyn) het die afgelope week 'n knie-operasie ondergaan.
6. Arina du Plessis (Othello) het die afgelope week 'n heup-operasie ondergaan.

## VERJAARSDAE VIR DIE WEEK

- 06/09 Elba Fourie, Aldoreen van Zyl, Vicci Scholtz, Zanelle Kotze, Kotie Ras, Maxie Herbst, Sonia du Toit
- 07/09 Annelene Traut, Corla Gericke, Werner Smit, Rian van Staden, Elize Booyens
- 08/09 Antoinette Hugo, Johan Basson, Erika Huddleston, Kayleigh Vermaak
- 09/09 Willem Snyder, Yolanda Hagen
- 10/09 Nadia de Kock, Paul Mulder, Lize-Mari Müller, Wena Fourie
- 11/09 Hentie Dippenaar, Kallie Pauw, Riana Niehaus, Jaco Marais, Paula Bester, Wim Truter
- 12/09 Lize Bartin, Marina Rogotta, Marco Olivier, Hester Badenhorst, Nalize de Jongh, Stephaan Burger

## AKSIE SAMARITAAN EN SOPKOMBUIS

Aksie Samaritaan en die Sopkombuis benodig die volgende:

- Weggooibare bakkies met deksels (verkieslik 500ml Joghurt) om sop in te bedien.
- Hulle benodig bakkers en strooiers om op 'n Vrydagoggend vanaf 07:30 tot 12:00 te help pannekoekbak en suiker strooi. Die pannekoek word in Moedergemeente se saal gebak. Kontak vir Jacomina Swart by 082 453 3862.
- Aksie Samaritaan benodig dringend mense wat kan help maskers maak, die materiaal word verskaf.
- **Sopbeurte** vir 10 September 2020:
  - Riana van Niekerk
  - Elsabé Marais
  - Sorina Greeff
  - Marita Pienaar
  - Rosa Brand
  - Sunita Truter
  - Alae Rootman

**AKSIE SAMARITAAN**  
**PANNEKOEK PROJEK**

Danksy ons pannekoek deeg is minder van Kuilsrivier se honger magies leeg!

**Slegs R5**  
**Vrydae 08h00 - 12h00**  
**NGK Kuilsrivier syaal**  
**in Van Riebeeck weg**



**Indien u vooraf wil bestel, plaas u bestelling by 073 655 3816 op Donderdae voor 17h00.**

Opbrengs ten bate van Aksie Samaritaan se werk onder die haweloses van Kuilsrivier.

## **EHW SMIT-BEURS**

Aansoeke om die bogenoemde beurs word tans ingewag van voornemende, behoeftige studente in teologiese studie wat die goedkeuring van die NG Kerk wegdra en wie se ouers in die landdrosdistrik van Kuilsrivier woonagtig is.

Aansoekvorms is by die kerkkantoor (Moedergemeente) beskikbaar (tel. 021 903 1529).  
Sluitingsdatum vir aansoeke: 30 September 2020.

## **VROUEDANKOFFER**

Baie dankie aan almal wat reeds 'n bydrae gemaak het tot die Vrouedankoffer.

Die bedrag van R15 249 is reeds ontvang.

## **SPESIALE DOOPGELEENTHEDE**

Die kerkraad het tydens die kerkraadsvergadering van 26 Augustus 2020 besluit om op versoek van lidmate, spesiale diens/dienste te reël waartydens doopouers hul babas ten doop kan bring.

Voornemende doopouers word versoek om die kerkkantoor so spoedig moontlik te kontak sodat die nodige vorms voltooi kan word, op datums besluit kan word en reëlings getref kan word. Tyd moet ook ingeruim word om die doopgesprekke af te handel. Dit sal waarskynlik gesamentlike gesprekke wees gelei deur die leraar by die kerkgebou.

Die eerste doopgeleentheid sal wees op Sondag 4 Oktober 2020 en daarna op 18 Oktober 2020.

Maatreëls soos afgekondig in die Staatskoerant van 28 Mei 2020 ten opsigte van godsdienstige byeenkomste, sal steeds geld.

'n Maksimum van 50 persone word in die kerkgebou toegelaat. Met in agneming van die leraar en ander personeellede wat deel is van die aanbieding van die diens, laat dit ons met 'n maksimum van 44 besoekers (doopouers + gaste).

Doopouers word versoek om wanneer hulle aansoek doen, 'n aanduiding te gee van hoeveel familie en vriende die geleentheid gaan bywoon. Daarvolgens sal ons kan bepaal hoeveel babas per diens gedoop kan word. 'n Volledige gastelys moet ook later aan die kerkkantoor verskaf word.

Die saal en kombuisgeriewe is nie beskikbaar vir 'n geselligheid na afloop van die diens nie.

Kontak dus die kerkkantoor so spoedig moontlik by [ngkeike@cybersmart.co.za](mailto:ngkeike@cybersmart.co.za).

# DE EIKE SE “DROP & GO” – PROJEK

Dinsdagoggend 8 September 2020, kan jy weer tussen 10:00 en 11:00 jou bydrae tot De Eike se koskas in 'n sakkie op De Eike se parkeerterrein kom aflaai. Piet Rootman en Tim sal daar wees om die voorraad in ontvangs te neem. Lidmate is ook welkom om enige finansiële bydraes te bring, kwitansie sal uitgereik word. Gebruik die motorhek aan die torings se kant. Hierdie reëling bly van toepassing tot verdere kennisgewing.

Maak gebruik van hierdie geleentheid om broers en susters in nood te help. Ons sal die voorraad in die voorraadkamer gaan pak waarna kospakkies opgemaak en volgens behoefte afgelewer sal word.

As jy bewus word van 'n lidmaat in nood moet jy asb. onmiddellik jou wyksleraar of blokleier hieroor inlig. Ons kan nie toelaat dat enigiemand in hierdie tyd van inperking honger ly nie.

Bydraes kan deur die loop van die week ook by die kerkkantoor afgegee word.

Die volgende items word benodig:

- Konfyt of stroop
- Blikkiesgoed wat goed werk saam met pasta
- Sout en peper
- Kookolie
- Wit en bruin asyn
- Margarien
- Toiletware
  - Shampoo
  - Deodorant
  - Wet wipes
  - Sneesdoekies
- Skoonmaakmiddels
  - Waspoeier
  - Wasgoedseep

Betanddele waar ons voorraad laag is:

- Blikkies
  - Ertjies
  - Gemengde groente
  - Mielies
  - Bully Beef
  - Vis in Tamatiesous
- Blatjang
- Mayonnaise
- Tamatiesous
- Skottelgoedseep en ander reinigers

## PREEKSKETS – 6 SEPTEMBER 2020

### TEMA: Hoe hanteer mens konflik in die gemeente?

Prediker: Ds Johan Morkel

Skriflesing: Matteus 18:15 - 20

Inleiding: Rugbyspanne het dikwels hulle eie speelstyl. Wat is die kenmerk van die kerk van Christus op aarde? Waaraan word ons as gemeente, as lidmate uitgeken?

1. In ons teksgedeelte word daar deurgaans met iemand wat verkeerd opgetree het, in liefde gehandel. Die eerste, belangrikste kenmerk van ons as kerk is die liefde!
  - Is "liefde" die eerste gedagte wat by mense opkom as hulle aan De Eike dink?
  - Is "liefde" die uitstaande kenmerk van jou lewe?
2. Ons bely Sondaar die woorde "ek glo in 'n **heilige** algemene Christelike kerk". Ons is mense wat duurgekoop is deur die bloed van Jesus Christus.
  - As ons begin leef soos ons wil, as ons God se wil, sy Woord na willekeur begin uitsluit uit ons lewens, sal ons die Naam van die Here soveel skade aandoen.
  - Kom ons ondersoek onself: Hoeveel skade doen ek die Naam van die Here aan deur my gesindheid, my liefdeloosheid, my slegte voorbeeld?
3. Jesus het vir die gemeenskap van gelowiges die gesag gegee om op aarde toe te sluit en oop te sluit, en dit sal in die hemel so bly. Daarna sê Hy: *Waar twee of drie in My naam saam is, is Ek by hulle!*
  - Jesus verseker ons Hy is altyd by ons, veral ook as ons moeilike besluite moet neem oor medegelowiges.
  - Watter wonderlike versekering het ons dat die Here deur sy Gees altyd by ons is.
4. Gaan wees kerk van Jesus, gaan speel vir die span van Jesus Christus. En laat dié woorde: liefde, heiligheid en die teenwoordigheid van die Here op jou lewenstyl geskryf staan!